

«Զգեցէք որ մանուկները ինձի գան, արգելք մի՛ ըլլաք անոնց,  
որովհետեւ այդպիսիներուն է Աստուծոյ արքայութիւնը» Մարկոս 10.14

Հայաստանեայց Եկեղեցւոյ  
Սուրբ Յակոբ  
Կիրակնօրեայ Դպրոցի ամսաթերթ

**Մ ԱՇԾՈՑԻ**

**Մ ԱՐՁԱԳԱՆԳ**

[www.sourphagop.org/mashdots](http://www.sourphagop.org/mashdots)

ԺԶ տարի

**2009**

Տարեկան Բացառիկ

## Բովանդակություն

- Խօսք Հովիտի եւ հոգաբարձութեան  
Տէր Գառնիկ քինյ. Գոյունեան
- Շնորհաւորագիր  
Ղեւոնդ Աբղ. Բենդէզեան  
Վարիշ Տնօրէն՝  
Հայաստանեայց Եկեղեցւոյ  
Կիրակնօրեայ Դպրոցներու
- Նկարներ Կիրակնօրեայէն
- Մեր խօսքը  
Տնօրէն եւ ուսուցչական կազմ
- **www.sourphagop.org** ը թիւերով
- Հակիրճ տեղեկութիւններ 2008-2009 Տարեշրջանի մասին
- Ձեռնարկներ եւ արտադասարանային աշխատանքներ  
ժամանակագրական շարքով



# ՄՈՒՐԲ ՁԱԿՈՐ ԱՌԱՋ. ՄԱՅՐ Մ ԿԵՂԵՅԻ

Église Arménienne Sourp Hagop Armenian Church

17 Մայիս 2009

Մոնթրէալ

**Սիրելի տնօրէնութիւն,**

**ուսուցչական կազմ**

**եւ ծնողներ**

**Ս. Յակոբ Կիրակնօրեայ դպրոցի,**

Ամէն տարեշրջանի աւարտին, երբ կու գանք գնահատանքի եւ քաջալերանքի ու յորդորի մեր գրութիւնը տալու ձեզի, սրտի անհուն ուրախութեամբ կը հաստատենք, թէ դուք մեր վաղեմի հոգեգրաց հայրերուն եւ մայրերուն ուղիին մէջ կը քալէք ամենայն համբերութեամբ, հաւատարմութեամբ եւ սիրով: Անոնք ըմպեցին Աստուածաշունչին լոյսը եւ ապագան կերտեցին իրենց համեստ, այլ ամուր գործերով: Այս ընթացքն է, որ պտղաբեր կը դառնայ: Բոլոր գոնարութիւնները մեզի համար են, սակայն անցեալէն ժառանգուած իմաստութեամբ՝ վստահութիւնը ունինք, որ անոնք յաղթահարելի են՝ երբ հոգին համբերել գիտէ եւ ամէն օր կը խնամէ համբերութեան ծառը, երբ հոգին հաւատարիմ ըլլալ գիտէ եւ ամէն օր կը խնամէ հաւատարմութեան ծառը, երբ հոգին սիրել գիտէ եւ ամէն օր կը խնամէ սիրելու ծառը:

Յիսուս առիթով մը ըսած է. «ձեր գանձը ո՛ւր որ է, հոն կ'ըլլայ նաեւ ձեր սիրտը»: Արդարեւ, ձեր նուիրումը բացայայտօրէն կը պատմէ, թէ ո՛ւր է ձեր սիրտը: Մեր մաղթանքն է եւ ճիգը, որ մեր համայնքի բոլոր զաւակները տեսնեն երկնատուր նոյն գանձը:

Այս առիթով նաեւ կ'ուզենք շնորհաւորել Կիրակնօրեայի մեր խելօքիկ աշակերտ-աշակերտուհիները, որոնք ամբողջ տարեշրջան մը հոգիի կերակուրով սնուեցան, եւ հիմա քիչ մը աւելի աճած են Աստուծոյ շունչին մէջ:

Բարի արձակուրդ եւ բարի վերադարձ դէպի իմաստութեան յարկը՝ Կիրակնօրեայ դպրոց:

ՀՈՎԻ ԵՒ ՀՈԳԱԲԱՐՁՈՒԹԻՒՆ

Ս. ՅԱԿՈՐ ԱՌԱՋԱՌՈՂԱՆԻՍ ՄԱՅՐ ԵԿԵՂԵՅՈՅ



Յարգարժան Պրն. Թորոս Պապիկեան  
Տնօրէն Ս. Յակոբ Առաջնորդանիստ Մայր Եկեղեցւոյ  
Կիրակնօրեայ Դպրոցին  
Մոնթրէալ - Գանատա

Սիրելի Պրն. Թորոս

Մեծի Տանն Կիլիկիոյ Կաթողիկոսութեան Կիրակնօրեայ Դպրոցներու Վարիչ Տնօրէնութեան անունով կ'ողջունեմ Ս. Յակոբ Եկեղեցւոյ Կիրակնօրեայ Դպրոցին տնօրէութիւնը, ուսուցչական կազմը, աշակերտութիւնն ու ծնողները:

Տարի մը եւս Կիրակնօրեայ Դպրոցի առաքելութիւնը կենսունակ խանդով աճեցուց Ս. Յակոբ Եկեղեցւոյ մանուկները, ջամբելով անոնց Հայ Եկեղեցւոյ քրիստոնէական եւ հայեցի առողջ դաստիարակութիւն:

Հայ մանուկները մեր ապագայ հայ երիտասարդներն են եւ մեր ապագայ հայ ծնողները: Այդ իսկ պատճառով որքան առողջ դաստիարակութիւն ստանան անոնք իրենց մանուկ հասակին, այնքան մեր սփիւռքացիի հայ գաղութներուն ապագան կը պայծառանայ ու աւելիով կ'ամրապնդուի:

Այս առիթով կը շնորհաւորեմ ձեր տարած աշխատանքը, «Մաշտոցի Արծազանգ»-ը ներկայ դարուս արդիական միջոցներով հասցնելու իւրաքանչիւր հայ տուն, ըլլայ ան Գանատայի կամ այլ սփիւռքահայ գաղութի մէջ:

Կ'աղօթեմ առ Աստուած, որ ձեր առաքելութիւնը իր առոյգ եւ կազմակերպուած հունին մէջ պահէ եւ Ս. Յակոբ Եկեղեցւոյ իւրաքանչիւր զաւակին ոյժ եւ առողջութիւն պարգեւէ որպէսզի Քրիստոսի սէրը ու խաղաղութիւնը ընդ երկար մնայ բոլորին մէջ:

Աղօթարար  
  
Ղեւնդ Արդ. Արմաւեան  
Վարիչ Տնօրէն Կիրակնօրեայ Դպրոցներու



12 Մայիս 2009  
Անթիլիաս - Լիբանան



## Նկարներ Կիրակնօրեայէն



պատկերազարդ նկարներով պատմութիւն



պատրաստ եկեղեցի  
երթալու

Եկեղեցույ մէջ





Բուն բարեկեդդան



Համբարձումից եօթ  
աղբրներէն ջուր կը  
հաւաքեն...



...եւ Վիճակ կը ձգեն...



...եւ կը գտնեն:

## ՄԵՐ ԽՕՍՔԸ

Փառք կու տանք Աստուծոյ, որ այս տարի եւս կրցանք Կիրակնօրեայ Դպրոց ունենալ եւ աւարտել մեր 29րդ տարեշրջանը: Այս տարի նաեւ 16րդ տարեդարձն է մեր ամսաթերթին՝ «Մաշտոցի Արձագանգ»ին եւ անցեալ Սուրբ Յակոբի տօնի օրը՝ Դեկտեմբեր 2008 ին տօնեցինք մեր Կայքէջին՝ [www.sourphagop.org](http://www.sourphagop.org) ին, ճրդ տարեդարձը:

«Զգեցէք որ մանուկները ինծի գան, արգելք մի՛ ըլլաք անոնց, որովհետեւ այդպիսիներուն է Աստուծոյ արքայութիւնը»

Յիսուս Քրիստոսի արտասանած խօսքերը, որոնք Հայաստանեայց եկեղեցւոյ Կիրակնօրեայ Դպրոցներու նշանաբանն են, կը մնան հիմը մեր եկեղեցւոյ պայծառութեան: Այն եկեղեցիները որոնց մանուկները արգելքներ ունին երթալու Յիսուսի, դատապարտուած են պարպուելու: Յիսուսի այս խօսքերը պէտք է ըլլան հիմը Հայաստանեայց եկեղեցւոյ մտապատկերին (vision), նամանաւանդ Հիւսիսային Ամերիկայի մէջ:

### [www.sourphagop.org](http://www.sourphagop.org) -ը 8 տարեկան:

Մեր այս տարուան դպրոցական տարեշրջանի ընթացքին մեր կայքէջը, [www.sourphagop.org](http://www.sourphagop.org) ը տօնեց իր 8-ամեակը եւ շարունակեց ծաւալիլ: Հասաւ 144 երկիրներու աւելի քան 2,000 քաղաքները, եւ ամսական դրութեամբ ունեցաւ 5,000-է աւելի այցելութիւններ: Մեր կայքէջին ամենէն մեծ արժէքը անոր 99% տոկոսով Արեւմտահայերէնով ըլլալը եւ կամաւոր խմբակի մը անսակարկ աշխատանքին շնորհիւ գոյութիւն ունենալն է: Մարդուծի եւ պիւտճէի սահմանափակ մեր կարողութիւնները նկատի առնելով մեր կատարած գործը օրինակ պէտք է հանդիսանայ ուրիշ անհատներու եւ հաստատութիւններու որոնք հայապահպանումով, արեւմտահայերէնով եւ կամ Քրիստոնէական Դաստիարակութեամբ հետաքրքրուած են:

### «Մաշտոցի Արձագանգ» ի 16 ամեակ:

Մեր այս դպրոցական տարուան ընթացքին հրատարակեցինք նաեւ մեր ամսաթերթը 16րդ տարին ըլլալով եւ մեր կայքէջի ծաւալումով, ծաւալեցաւ նաեւ մեր ամսաթերթի կարդացողներուն թիւը: «Մաշտոցի Արձագանգ»-ի միջոցաւ, այս տարի եւս արեւմտահայերէնով 188 քրիստոնէական դաստիարակութիւն ջամբող էջեր աւելցուցինք համացանցին վրայ:

### 2008ը Քրիստոնէական Դաստիարակութեան Տարի էր:

Ինչպէս տեղեակ էք, Մեծի Տանն Կիլիկիոյ Վեհափառ Հայրապետը՝ Ն. Ս. Օ. Տ. Տ. Արամ Ա. Կաթողիկոս 2008 թուականը «Քրիստոնէական Դաստիարակութեան Տարի» հռչակեց եւ Իր Կոնդակին մէջ գրեց նաեւ Կիրակնօրեաներու առնչութեամբ:

**Վեհափառ Հայրապետը ունէր:**

Սպասում : Որ մեր թեմերը վերակազմակերպումի ենթարկեն եկեղեցիներու ու դպրոցներու կողքին գործող Կիրակնօրեայ վարժարանները:

**Ա. Թելադրանք:** Որ մեր ծնողները իրենց զաւակները առաջնորդեն Կիրակնօրեայ վարժարան:

**Բ. Թելադրանք:** Որ դպրոցները իրենց աշակերտները առաջնորդեն Կիրակնօրեայ վարժարան:

Մեր եկեղեցւոյ Հովին ու Հոգաբարձութիւնը իրենց անցեալ տարուան խօսքին մէջ անդրադառնալով Վեհափառ Հայրապետի Կոնդակին գրեցին «Հայրապետի սպասումին դրակնօրէն եւ գործնապէս պատասխանելով՝ այս 50-ամեայ համայնքին ներքին ուժը վերանորոգած պիտի ըլլանք:»

Մենք ալ մեր կարգին, Կիրակնօրեայ Դպրոցի Տնօրէնութիւն եւ Ուսուցչական կազմ, պատրաստուեցանք 2008-2009 (29րդ) Տարեշրջանի վերամուտին՝ Սեպտեմբեր 14, 2008 ին յուսալով որ թեմերը վերակազմակերպումի կ'ենթարկեն Կիրակնօրեայ Դպրոցները եւ ծնողները իրենց զաւակները եւ դպրոցները իրենց աշակերտները կ'առաջնորդեն Կիրակնօրեայ Դպրոց: Սակայն այդպէս չպատահեցաւ եւ մենք ունեցանք աշակերտութեան թիւի ահաւոր նուազում:

**Աշակերտութեան թիւի ահաւոր նուազում:**

Յաջորդական երրորդ տարին ըլլալով, մեր աշակերտութեան թիւը շարունակական նուազումի մէջ է: Այս տարուան ընթացքին արձանագրուած մեր աշակերտներուն թիւը 49 էր, եւ իւրաքանչիւր Կիրակի օրուան միջին ներկայութիւնը 23: Այս երկու թիւերը պէտք է բաղդատել մեր 2005-2006 թուականի արձանագրուած աշակերտներու 96 եւ միջին ներկայութիւն 65 ին հետ: Եկեղեցին ընդհանրապէս շատ աշխատանք պէտք է կատարէ բազմացնելու համար Կիրակնօրեայ դպրոցի աշակերտներուն թիւը որպէսզի մեր աշակերտները, իրենք ալ իրենց կարգին, ապագային աւելցնեն եկեղեցի յաճախողներուն թիւը:

2009ը Հայաստանեայց Եկեղեցւոյ Կիրակնօրեայ Դպրոցներու հիմնադրութեան 80-ամեակն է: Ի՞նչ ըրաւ եւ ի՞նչ պիտի ընէ Հայաստանեայց Եկեղեցին այս առիթով:

2009-2010 տարեշրջանը Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի 30-րդ տարեշրջանն է: Ի՞նչ պիտի ընէ Սուրբ Յակոբ Եկեղեցին այս առիթով:


Հաւանաբար բոլորս պատասխանները կը գիտնանք Սեպտեմբեր 13, 2009 ին: Մինչ այդ, բարի արձակուրդ:

Տնօրէնութիւն եւ Ուսուցչական կազմ




## www.sourphagop.org ը՝ թիւերով

Ամաւասիկ www.sourphagop.org ի եզակի այցելուներու եւ այցելութիւններու աճը անցնող ութ տարիներուն ընթացքին:



2001 - 2008 տարեկան այցելութիւններ



2001 - 2008 եզակի այցելուներ

### 2008 ի Հաշուեցոյց

**325,037** զարկեր  
**60,276** այցելութիւններ  
**15,780** Եզակի այցելուներ  
**144** Երկիրներ  
**98,522** Բացուած էջեր  
**32,164** .pdf գրութիւններ  
**17,796** «Մաշտոցի Արձագանգ» ի թիւեր

Երկիր	Այցելութիւն
ԱՄՆ	<b>44,763</b>
Գանատա	<b>6,256</b>
Ֆրանսա	<b>1,572</b>
Շուէտ	<b>976</b>
Ռուսիա	<b>832</b>
Թուրքիա	<b>736</b>
Գերմանիա	<b>432</b>
Լիբանան	<b>237</b>
Հոլանտա	<b>237</b>
Աստրալիա	<b>197</b>
Իտալիա	<b>165</b>
Սուրիա	<b>133</b>
Հայաստան	<b>133</b>
Քուէյթ	<b>113</b>
Արաբ. Միաց. Էմիր.	<b>110</b>

**ՀԱԿԻՐՃ ՏԵՂԵԿՈՒԹԻՒՆՆԵՐ  
2008-2009 ՏԱՐԵՇՐՋԱՆԻ ՄԱՍԻՆ**

Հայաստանեայց Առաքելական Սուրբ Յակոբ Մայր Եկեղեցույ Կիրակնօրեայ Դպրոցը կը վայելէ եկեղեցույ հոգաբարձութեան հովանաւորութիւնը:

**29-ամեակ Կիրակնօրեայ Դպրոցին**

2008-2009 տարեշրջանը դպրոցին 29րդ տարեշրջանն է: Կիրակնօրեայ Դպրոցը սկսաւ իր գործունէութիւնները Խաչվերացի Կիրակին՝ Սեպտեմբեր 14, 1980 ին եւ յաջորդական 29րդ տարեշրջանը բոլորեց այս տարի: Իւրաքանչիւր տարեշրջան կը սկսի Խաչվերացի Կիրակին եւ կը տեւէ մինչեւ Յունիսի երկրորդ Կիրակին: Դասաւանդութիւնները տեղի կ'ունենան ամէն Կիրակի Օրերը 10:30-1:00: Այս տարի Դպրոցը ունեցաւ մանկապարտէզի 3, Նախակրթարանի 6 եւ Երկրորդականի 1 դասարաններ:

**16-ամեակ «Մաշտոցի Արձագանգ» ին**

Մեր 2008-2009 տարեշրջանի ընթացքին նաեւ հրատարակեցինք, 16րդ տարին ըլլալով, մեր պարբերաթերթը «Մաշտոցի Արձագանգ»ը ամսական դրութեամբ: «Մաշտոցի Արձագանգ»-ը կը տպուի եւ կը կարդացուի աշխարհի 5 ցամաքամասերուն վրայ: «Մաշտոցի Արձագանգ»-ը PDF ձեւով կը գտնուի համացանցի հետեւեալ էջին վրայ [www.sourphagop.org/mashdots](http://www.sourphagop.org/mashdots) :

**8-ամեակ [www.sourphagop.org](http://www.sourphagop.org) ին**

10 Դեկտեմբեր 2000 ին, Սուրբ Յակոբի տօնին օրը, դպրոցը ունեցաւ իր կայքէջը՝ [www.sourphagop.org](http://www.sourphagop.org): Մեր կայքէջը ունի հետեւեալ բաժինները.  
Ճաշու Աւետարան, Church Timeline, Daily Bible, Տօներ, Բառարան, Պարբերաթերթ, Կապեր, Կարծիքդ, Զարգացման Մրցում եւ Խաղեր:

**ԿԱԶՄ**

Կիրակնօրեայ Դպրոցի 2008 – 2009 տարեշրջանի իրենց կամաւոր մասնակցութիւնը կը բերեն հետեւեալները.-

Թամար Գիզիրեան եւ Վերժին Գէլթանճեան  
Դաստիարակներ՝ Մանկապարտէզի Ա. Բ. Գ. եւ Նախ.Ա. կարգերուն

Գարոլ Մանուկեան եւ Յասմիկ Նաճարեան  
Դաստիարակներ՝ Նախակրթարանի Բ. Գ. Դ. Ե. եւ Զ. կարգերուն

Շողիկ Նաճարեան՝ Մասնաւոր Յայտագիրներու պատասխանատու

Յասմիկ Գանաճեան Դաստիարակ՝ Երկրորդականի Ա. կարգին

Թորոս Պապիկեան՝ Տնօրէն

Կազմը գումարեց ժողովներ որոնց ընթացքին արձարծուեցան ծրագրային, կարգապահական, արտադասարանային աշխատանքներ եւ այլ նիւթեր:

### **ԱՇԱԿԵՐՏԱԿԱՆ ՎԻՃԱԿ**

2008-2009 տարեշրջանին արձանագրուած աշակերտութեան թիւը 49 է, իսկ շարքական ներկայութեան միջինն է 23 աշակերտ՝ բաժնուած 3 խումբերու:

### **ԴՊՐՈՑԻ ԱՌՕՐԵԱՆ**

2008-2009 տարեշրջանին կիրակնօրեայ դպրոցի առօրեայ յայտագիրը կ'ընթանայ Հայաստանեայց Եկեղեցու Կիրակնօրեայ դպրոցներու դասաւանդական հիմնական կառուցուածքին համաձայն՝ լսարանային եւ դասարանային բաժանումներով, ուր կը դասաւանդուին Ս. գրական, ծիսական, բարոյագիտական եւ գործնական ծանօթութիւններ, գիտելիքներ եւ աղօթքներ:

### Լսարանային բաժին

Տէրունական աղօթքի, մաղթանքի եւ Կիրակնօրեայ Մաղթերգէն ետք, աշակերտները կը բաժնուին 3 խումբերու:

- Մանկապարտէզի Ա., Բ., Գ. եւ Նախակրթարանի Ա. դասարաններ
- Նախակրթարանի Բ., Գ., Դ., Ե. եւ Զ. դասարաններ
- Երկրորդականի Ա. դասարան

Պահը կ'ընթանայ հետեւեալ ձեւով՝

- Ոսկեղէն համարներու կամ Սաղմոսի ուսուցում:
- Բարոյալից պատմուածքներու պատմութիւն:
- Կրօնական երգերու եւ շարականներու ուսուցում:
- Աւետարանի ընթերցում եւ մեկնաբանութիւն:

### Դասարանային բաժին

Կը դասաւանդուի ըստ դասագիրքերու:

## ՁԵՌՆԱՐԿՆԵՐ ԵՒ ԱՐՏԱԴԱՍԱՐԱՆԱՅԻՆ ԱՇԽԱՏԱՆՔՆԵՐ ԺԱՄԱՆԱԿԱԳՐԱԿԱՆ ՇԱՐՔՈՎ

14 Սեպտեմբեր 2008 Տարեկիզբ եւ վերամուտ

21 Սեպտեմբեր 2008 Վարժարանի աշակերտութիւնը մասնակցեցաւ Սուրբ Պատարագի խորհուրդին եւ հաղորդուեցաւ:

12 Հոկտեմբեր 2008 Թարգմանչաց տօնի յատուկ յայտագիր:

28 Դեկտեմբեր 2008 Ամանորի եւ Ս. Ծննդեան զոյգ տօներու հանդիսութիւն, ուր տեղի ունեցաւ աշակերտներուն պատրաստած գեղարուեստական ելոյթը: Հանդիսութիւնը վերջ գտաւ հիւրասիրութեամբ եւ նուէրներու բաշխումով:

22 Փետրուար 2009 Վարդանանց եւ Բարեկենդան տօներու յատուկ տօնակատարութիւն:

Դպրոցը Մեծ Պահօր շրջանին ունի իր աշակերտական պահօր հետեւեալ ժամանակացոյցը:


Փետրուար 23 - Մարտ 1	Ծամոն
Մարտ 2 - 8	Շաքար
Մարտ 9 - 15	Հեռատեսիլ, Համակարգիչ, այլ պաստառով խաղեր
Մարտ 16 - 22	Կազային խմիչքներ (pepsi, 7up, coke, crush)
Մարտ 23 – 29	Կոլոնատ, տուրմ
Մարտ 30 – Ապրիլ 5	Chips
Ապրիլ 6 - 11	Հաւկիթ

4 Ապրիլ 2009 Դպրոցի ուսուցչական կազմը եւ աշակերտներուն մեծ մասը մասնակցեցան մեր Եկեղեցւոյ Գործադիր Մարմնի կողմէ կազմակերպուած նախաԾաղկազարդեան հաւաքոյթին:


5 Ապրիլ 2009 Դպրոցը փակ էր Ծաղկազարդի առթիւ:

12 Ապրիլ 2009 Սբ. Զատկուայ յատուկ նշում:

24 Մայիս 2009 Համբարձումի յատուկ նշում:



2008 - 2009 տարեշրջանի իւրաքանչիւր դասարանի արձանագրութիւն եւ միջին ներկայութիւն



2008 - 2009 տարեշրջանի իւրաքանչիւր Կիրակի օրուայ ներկայութիւն



# ՄԱՇՏՈՑԻ ԱՐՁԱԳԱՆԳ ԺԶ. Տարի

«ՄԱՇՏՈՑԻ ԱՐՁԱԳԱՆԳ»ի

ներկայ եւ նախկին թիւերը կը գտնուին նաեւ  
համացանցի վրայ:

**[www.sourphagop.org/mashdots](http://www.sourphagop.org/mashdots)** հասցեով

Հայաստանեայց Եկեղեցւոյ Սուրբ Յակոբ  
Կիրակնօրեայ Դպրոցի կամաւոր խմբակը.-

Թամար Գիզիրեան

Վերժին Գէպթանճեան

Յասմիկ Նաճարեան

Գարոլ Մանուկեան

Շողիկ Նաճարեան

Յասմիկ Գանաճեան

Շաղիկ Պոյաճեան

Թորոս Պապիկեան